

I, K 7 Pars intestinorum ab I ad K protensa, uulgato nomine nunc duodenum intestinum, nunc intestinum duodenum digitorum longitudine, mihi uocatur.

L 7 Ieiuni intestini initium, graciliumque intestinorum sedes, ubi primum in anfractus conuoluit atque antorsum assurgere incipiunt.

M 7, 8 Ilei intestini terminus, et gracilium intestinorum finis. uerum quamnam sede ieiuni intestini terminus, aut ilei intestini principium sit ponendum, augurari nequeo, quum toto ductu qui ab L in septima figura in eadem et octaua ad M usque pertinet, nullibi discrimen commonstret, quo ieiunum ab ileo liceret interstinguere.

N Extuberans crassorum intestinorum initium.

O Hoc intestinum mihi caecum nuncupatur, non admodum contententi an quis eo nomine aliam crassorum intestinorum partem donari uelit: modo is non adeo nominum sit studiosus, ut illorum occasione ea in intestinorum fabrica spectare negligat, quae in partium aliarum constructione sedulo inquirimus.

N, P, Q R, S, T, 6, 8 Colum intestinum his characteribus insignitur, uerum singuli priuatim aliquid notant. N enim ad P usque coli intestini ductum notat, a dextri renis sede ad iecoris usque cauum pertinentem. P uero ad Q coli ductus notatur, secundum uentriculi fundum a iecoris cauo ad lienis usque regionem protensus. Q autem ad R ductus coli insinuat, a lienis regione ad pubis os, secundum sinistram ile procedens. Caeterum ab R ad S (quod in s priuatim uisitur) coli indicatur ascensus anfractusque, quem sursum ad umbilici usque regionem molitur. At S ad T usque progressum notat, dicti nunc ascensus ad recti intestini initium.

V, V 6, 8 Depressa coli intestini sedes.

X, X 6, 8 Coli intestini utrinque extuberantes semiglobuli, quos cellulas uulgas uocat.

Y 6, 8 Recti intestini initium. Quicquid uero sub Y consistit, rectum est intestinum.

Z 7 Portio meatus bilem in intestina perferentis.

a 8 Musculus recti intestini finem orbiculatim amplectens, faeciumque excretioni praefectus.

b, c 8 Duo musculi rectum intestinum post faecium excretionem sursum alacriter contrahentes.

d, 8 Hac sede rectum intestinum uirorum peni et mulierum uteri cervici interuentu musculo se substantiae connascitur.

e, f 6 Duae arteriae foetui peculiares.

g 6 Hoc caractere uesicae fundus indicatur, uti et meatus quo foetus urina expellitur, quemque hic ut nuper commemoratas arterias abtruncatum finximus.

NONA QVINTI LIBRI FIGVRA, CUIVS
VTI ET EIVSDEM CHARACTERVM INDICEM
hic lateri adhibuimus.

HAC figura recti intestini et coli quoque quod id recto continuatur, partem expressimus, intestinorum tunicas commonstraturam.

h Prima intestinorum tunica, quae et intima est, ac solis transversis circularibus ue confirmatur fibris.

i, i Secunda intestinorum tunica, quae transversis quoque efformatur fibris. attamen rectis quoque donatur pluribus, quo recto intestino uicinior est.

k, k Mesenterij est portio, quae rectum intestinum ossi sacro committit, ac tertiam ipsi exporrigit tunicam.

L, L Tertia intestinorum tunica, a mesenterij pronata membranis.



DECL



DECIMAE FIGVRAE EIVSDEM QVE C
racterum Index.

V T praesens figura mesenterij situm quam appositissime oculis subijceret, decumque ad latera sursum deorsumque inuicem manibus diducta continet, ac praemonstrat centrum, et rationem qua mesenterium intestinis uasa porrigit, interducat. Ad haec, eius quoque mesenterij partem ostendit, quae coli finem et recto dorso alligat. Succedit uero haec figura sectionis serie illi quam sextam loca-

A, B, C, D Portiones peritonaei, aperto iam abdomine in latera extrorsum flexae.

E, E, E Tenuia intestina.

F Caecum intestinum.

G, G, G Colon intestinum.

H Recti intestini initium.

I Vesica, cui peritonaeum ea potissimum sede connascitur, ubi alteram ipsi ostendit.

K Mesenterij centrum, eaque dorsi pars qua id a peritonaei membranis initium arteriam et cauum uenam hic uertebrae corporibus adnectunt.

L, L Corpus glandulosum, mox in ipsa uasorum distributione positum, quae m-

seruntur.